



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ

## ՀՐԱՄԱՆ

No 909-Ա/2

«19» հունիսի, 2023 թ.

**ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ՊԱՅՄԱՆԱԳՐԱՅԻՆ  
(ԹԵՄԱՏԻԿ) ՖԻՆԱՆՍԱՎՈՐՄԱՆ ՆՊԱՏԱԿՈՎ «ԳԻՏԱԿԱՆ ԽՄԲԵՐԻ ԿԱՄ  
ԼԱԲՈՐԱՏՈՐԻԱՆԵՐԻ (ԲԱԺԻՆՆԵՐԻ) ԱՄՐԱՊԵՏՄԱՆՆ ԱԶԱԿՑՈՒԹՅՈՒՆ - 2023»  
ՄՐՑՈՒՅԹԸ ԿԱԶՄԱԿԵՐՊԵԼՈՒ, ՀԱՅՏԱՐԱՐՈՒԹՅԱՆ  
ՏԵՔՍՏԸ ԵՎ ՀՐԱՎԵՐԻ ՓԱԹԵԹԸ ՀԱՍՏԱՏԵԼՈՒ ՄԱՍԻՆ**

Առաջնորդվելով Հայաստանի Հանրապետության կառավարության 2001 թվականի նոյեմբերի 17-ի N 1122 որոշմամբ հաստատված «Գիտական և գիտատեխնիկական գործունեության պայմանագրային (թեմատիկ) ֆինանսավորման կարգի» 3-րդ կետով, ինչպես նաև հիմք ընդունելով Հայաստանի Հանրապետության վարչապետի 2019 թվականի հունիսի 1-ի N 661-Լ որոշմամբ հաստատված Հայաստանի Հանրապետության կրթության, գիտության, մշակույթի և սպորտի նախարարության կանոնադրության 19-րդ կետի 20-րդ ենթակետը՝

### Հ Ր Ա Մ Ա Յ ՈՒ Մ Ե Մ

1. Գիտական և գիտատեխնիկական գործունեության պայմանագրային (թեմատիկ) ֆինանսավորման նպատակով կազմակերպել «Գիտական խմբերի կամ լաբորատորիաների (բաժինների) ամրապնդմանն աջակցություն - 2023» մրցույթը:
2. Հաստատել մրցույթի հայտարարության տեքստը՝ համաձայն հավելված N 1-ի և հրավերի փաթեթը՝ համաձայն հավելված N 2-ի:
3. Սույն հրամանի կատարման հսկողությունը հանձնարարել ՀՀ կրթության, գիտության, մշակույթի և սպորտի նախարարության գիտության կոմիտեի նախագահ Սարգիս Հայրոյանին:

ՆԱԽԱՐԱՐ՝

Ժ. ԱՆԴՐԵԱՍՅԱՆ

## Հ Ա Յ Տ Ա Ր Ա Ր ՈՒ Թ Յ ՈՒ Ն

Հայաստանի Հանրապետության կրթության, գիտության, մշակույթի և սպորտի նախարարության գիտության կոմիտեն կազմակերպում է գիտական և գիտատեխնիկական գործունեության պայմանագրային (թեմատիկ) ֆինանսավորման նպատակով գիտական թեմաների հայտերի ընտրության «Գիտական խմբերի կամ լաբորատորիաների (բաժինների) ամրապնդմանն աջակցություն - 2023» **ՄՐՅՈՒՅԹԸ**:

Մրցույթին մասնակցելու հայտ ներկայացվում է Հայաստանի Հանրապետության կրթության, գիտության, մշակույթի և սպորտի նախարարության գիտության կոմիտեի **մրցույթների հայտերի և հաշվետվությունների ընդունման** առցանց **համակարգով** (<https://grants.scs.am>)՝ մինչև 2023 թվականի **հուլիսի 28-ը** ներառյալ (հայտի ուղարկման հնարավորությունն արգելափակվում է Երևանի ժամանակով ժամը 18:00-ին):

Մրցույթի հրավերի փաթեթը գետեղված է Հայաստանի Հանրապետության կրթության, գիտության, մշակույթի և սպորտի նախարարության գիտության կոմիտեի ինտերնետային կայքում՝ [www.scs.am](http://www.scs.am):

Մրցույթի վերաբերյալ լրացուցիչ տեղեկություններ և խորհրդատվություն կարելի է ստանալ Հայաստանի Հանրապետության կրթության, գիտության, մշակույթի և սպորտի նախարարության գիտության կոմիտեի գիտական գործունեության կազմակերպման վարչությունից (հեռախոս՝ +37410 210 140 (\*116; \*113), էլեկտրոնային փոստ՝ [support@scs.am](mailto:support@scs.am)):

Հայաստանի Հանրապետության կրթության, գիտության,  
մշակույթի և սպորտի նախարարություն

## ՀՐԱՎԵՐ

### ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ՊԱՅՄԱՆԱԳՐԱՅԻՆ (ԹԵՄԱՏԻԿ) ՖԻՆԱՆՍԱՎՈՐՄԱՆ ՇՐՋԱՆԱԿՆԵՐՈՒՄ

### «ԳԻՏԱԿԱՆ ԽՄԲԵՐԻ ԿԱՄ ԼԱԲՈՐԱՏՈՐԻԱՆԵՐԻ (ԲԱԺԻՆՆԵՐԻ) ԱՄՐԱՊԵՆԴՄԱՆՆ ԱԶԱԿՑՈՒԹՅՈՒՆ - 2023» ՄՐՑՈՒՅԹԻ

## I. Ընդհանուր դրույթներ

### 1. Մրցույթը

1.1. Գիտական և գիտատեխնիկական գործունեության պայմանագրային (թեմատիկ) ֆինանսավորման նպատակով գիտական թեմաների հայտերի (այսուհետ՝ **Հայտ**) ընտրության «Գիտական խմբերի կամ լաբորատորիաների (բաժինների) ամրապնդմանն աջակցություն - 2023» մրցույթն (այսուհետ՝ **Մրցույթ**) անցկացվում է համաձայն Հայաստանի Հանրապետության կրթության, գիտության, մշակույթի և սպորտի նախարարի (այսուհետ՝ **Նախարար**) 2023 թվականի հունիսի 19-ի N 909-Ա/2 հրամանի:

1.2. **Մրցույթը** կազմակերպում է Հայաստանի Հանրապետության կրթության, գիտության, մշակույթի և սպորտի նախարարության գիտության կոմիտեն (այսուհետ՝ **Կոմիտե**)՝ առաջնորդվելով ՀՀ կառավարության 2001 թվականի նոյեմբերի 17-ի N 1122 որոշմամբ հաստատված «Գիտական և գիտատեխնիկական գործունեության պայմանագրային (թեմատիկ) ֆինանսավորման կարգով»:

1.3. **Մրցույթն** ուղղված է Հայաստանի Հանրապետության պետական բյուջեի գիտական և գիտատեխնիկական գործունեության բազային ֆինանսավորմամբ ծրագիր իրականացնող կազմակերպությունում (այսուհետ՝ **Կազմակերպություն**) հեռանկարային, ժամանակակից գիտական ուղղություններով առկա գիտական ստորաբաժանումների (այսուհետ՝ **Ստորաբաժանում**) ամրապնդմանը և զարգացմանը:

1.4. **Մրցույթն** իրականացվում է գիտական և գիտատեխնիկական գործունեության բոլոր բնագավառների մասնագիտություններով (Հավելված N 2.1):

1.5. Ներկայացվող գիտական նախագիծը (այսուհետ՝ **Նախագիծ**, Հավելված N 2.2) պետք է լինի հավակնոտ, խոստումնալից և իրագործելի:

### 2. Նպատակը

**Մրցույթի** նպատակներն են.

- խթանել ներպետական և միջազգային համագործակցությունը,
- զարգացնել Կազմակերպության գիտական և գիտատեխնիկական ներուժը,
- ներգրավել Սփյուռքի և արտերկրի գիտական ներուժը,
- ներգրավել երիտասարդ հետազոտողների և ասպիրանտների,

- նպաստել երիտասարդ հետազոտողների ինտեգրմանը միջազգային հետազոտական միջավայրին,
- բարելավել գիտական միջավայրը,
- ամրապնդել նոր, մրցունակ և հեռանկարային գիտական ստորաբաժանումները,
- խթանել գիտության ոլորտում մրցակցային պայմանները:

### 3. Ժամկետները

3.1. **Նախագծերի** իրականացման տևողությունը 60 ամիս է:

3.2. **Մրցույթին** դիմելու վերջնաժամկետն է 2023 թվականի **հուլիսի 28-ը: Կոմիտեի** հայտերի և հաշվետվությունների ընդունման առցանց համակարգում ([grants.scs.am](http://grants.scs.am), այսուհետ՝ **Համակարգ**) **Հայտերի** ուղարկման հնարավորությունը կարգելափակվի Երևանի ժամանակով ժամը 18:00-ին:

3.3. Պահանջվող փաստաթղթերը **Կոմիտե** են ներկայացվում առձեռն՝ մինչև 2023 թվականի **օգոստոսի 4-ը** ներառյալ (Օրբելի եղբայրների փողոց 22, 7-րդ հարկ, 708 սենյակ): **Կազմակերպության** կողմից ներկայացվող բոլոր **Հայտերին** վերաբերող փաստաթղթերը, մեկ ընդհանուր փաթեթով, **Կոմիտե** է ներկայացնում **Կազմակերպության** լիազորված անձը (գիտական քարտուղար կամ այլ)՝ առձեռն:

### 4. Խումբը

4.1. **Նախագիծը** մշակում և իրականացնում է 4-7 անդամից բաղկացած գիտահետազոտական խումբը (այսուհետ՝ **խումբ**), որը կազմված է ղեկավարից (այսուհետ՝ **խմբի ղեկավար**) և կատարողներից (այսուհետ՝ **խմբի կատարողներ**):

4.2. **խմբի ղեկավարը** և **խմբի կատարողները Նախագծի** կատարման ընթացքում պետք է հանդիսանան Հայաստանի Հանրապետության քաղաքացիներ կամ ռեզիդենտներ, ինչպես նաև բնակվեն Հայաստանի Հանրապետությունում:

4.3. **խմբի** անունից հանդես է գալիս միայն **խմբի ղեկավարը**:

4.4. **խմբում** պետք է ընդգրկվի՝

- առնվազն 5 անդամ (ներառյալ **խմբի ղեկավարը**)՝ Հավելված 2.1-ով ներկայացված գիտական և գիտատեխնիկական գործունեության «1-4» բնագավառների համար,

- առնվազն 4 անդամ (ներառյալ **խմբի ղեկավարը**)՝ Հավելված 2.1-ով ներկայացված գիտական և գիտատեխնիկական գործունեության «5-6» բնագավառների համար:

4.5. **խմբի ղեկավարը** և **խմբի կատարողները** չեն կարող ընդգրկվել **Մրցույթին** ներկայացված մեկից ավելի **Հայտերում**,

4.6. **Մրցույթի** շահառուները միաժամանակ չեն կարող ընդգրկված լինել հետևյալ ծրագրերում.

- «Առաջատար հետազոտությունների աջակցություն - 2021»,
- «Գիտական խմբերի մեկնարկի կամ լաբորատորիաների (բաժինների) ամրապնդմանն աջակցություն - 2021»,
- «Հայաստանի Հանրապետության գիտական համայնքին արտերկրի գիտնականների ինտեգրմանն աջակցության ծրագիր - 2022»,

- «Հայաստանի Հանրապետության գիտական համայնքին արտերկրի գիտնականների ինտեգրմանն աջակցության ծրագիր - 2023»,
- «Հեռավար լաբորատորիաների հիմնադրման ծրագիր - 2022»,
- «Հեռավար լաբորատորիաների հիմնադրման ծրագիր - 2023»:

**4.7. Խումբը** վերջին 5 տարիների համար գիտական և գիտատեխնիկական գործունեության տվյալ բնագավառում պետք է ներկայացնի.

**Հավելված 2.1-ով** ներկայացված գիտական և գիտատեխնիկական գործունեության «1-5» բնագավառների մասնագիտություններով.

- 8 գիտական հրապարակում միջազգային գիտատեղեկատվական շտեմարաններում («Science Citation Index Expanded (SCIE)», «Social Sciences Citation Index (SSCI)», «Emerging Sources Citation Index (ESCI)», «Arts&Humanities Citation Index (AHCI)»), **կամ** գրքերի հղման ինդեքսի (Book Citation Index) հրատարակիչների ցանկում ներառված հրատարակչությունների հրապարակած գրքի գլուխ կամ հոդված ժողովածուում, **կամ** «Scimago Journal & Country Ranking» պորտալի առնվազն Q4 քառորդ, իսկ գիտաժողովի նյութերի դեպքում՝ առնվազն Q2 քառորդին համարժեք SJR ինդեքս (SCImago Journal Rank Indicator) ունեցող պարբերականներում (այսուհետ՝ **ՄԳՇ**),

- **կամ** 2՝ առնվազն 5 տպագրական մամուլ ծավալ ունեցող մենագրություն, կոլեկտիվ մենագրություն կամ գիտական աշխատություն՝ հրատարակված Web of Science գիտատեղեկատվական հարթակի գրքերի հղման ինդեքսի (Book Citation Index) հրատարակիչների ցանկում ներառված հրատարակչություններում (այսուհետ՝ **Մենագրություն**):

**Հավելված 2.1-ով** ներկայացված գիտական և գիտատեխնիկական գործունեության «6» բնագավառի մասնագիտություններով.

- 4 գիտական հրապարակում **ՄԳՇ**-ում,
- կամ 1 **Մենագրություն**:

**Մեկ Մենագրությունը համարժեք է ՄԳՇ-ում ընդգրկված 4 հրապարակման:**

**4.8.** Բեալի ցանկերում (Beall’s list, <https://beallslist.net/>) ներառված կեղծ կամ «գիշատիչ» հրատարակչություններում կամ պարբերականներում հրատարակված աշխատություն ներկայացնելու դեպքում **Հայտը** փորձաքննության ենթարկելու հարցը կքննարկվի **Հայտերի** գնահատման նպատակով ստեղծված մասնագիտական փորձագիտական խորհրդում (այսուհետ՝ **Խորհուրդ**):

**4.9. Խումբը** պետք է ունենա օտարերկրյա գործընկեր (այսուհետ՝ **Գործընկեր**) (Foreign Partner, Collaborator):

**5. Խմբի ղեկավարը**

**5.1.** Կարող է լինել այն անձը, ով՝

- ծնվել է 1983 թվականի հունվարի 1-ից հետո, նշված պայմանը չի տարածվում «Գիտական խմբերի մեկնարկ - 2020» և «Գիտական խմբերի կամ լաբորատորիաների ամրապնդում - 2020» ծրագրերի ղեկավարների վրա,

- ունի գիտական աստիճան,

- **Կազմակերպությունում** առնվազն վեց ամիս զբաղեցնում է **Ստորաբաժանման** (խումբ, լաբորատորիա, բաժին, կենտրոն և այլն) ղեկավարի պաշտոն:

**5.2. Խմբի ղեկավարի** ղեկավարած **Ստորաբաժանման` Հայտում** ընդգրկված աշխատակիցների գումարային աշխատաժամանակի տևողությունը բազային ֆինանսավորմամբ ծրագրում պետք է լինի առնվազն շաբաթական 120 ժամ (որը համապատասխանում է 3 լրիվ զբաղվածության համարժեքին (Full Time Equivalent. FTE)):

**5.3.** վերջին 5 տարիների համար պետք է ներկայացնի.

**Հավելված 2.1-ով** ներկայացված գիտական և գիտատեխնիկական գործունեության «1-5» բնագավառների մասնագիտություններով.

- առնվազն 4 գիտական հրապարակում **ՄԳՇ**-ում,
- կամ 1 **Մենագրություն:**

**Հավելված 2.1-ով** ներկայացված գիտական և գիտատեխնիկական գործունեության «6» բնագավառի մասնագիտություններով.

- 2 գիտական հրապարակում **ՄԳՇ**-ում,
- կամ 1 **Մենագրություն:**

## 6. Խմբի անդամները

**6.1. Խմբի** անդամներից առնվազն երեքը պետք է ծնված լինեն 1988 թվականի հունվարի 1-ից հետո և կարող են լինել առնվազն բակալավրիատի երրորդ կուրսի ուսանողներ:

**6.2. Խմբի** անդամների տարիքային շեմը կարող է բարձրանալ`

- ՀՀ զինված ուժերում ծառայած լինելու դեպքում` 2 տարով,
- երեխայի խնամքի արձակուրդի դեպքում` յուրաքանչյուր երեխայի համար 1 տարով:

**6.3.** Հավելված 2.1-ով ներկայացված գիտական և գիտատեխնիկական գործունեության «1-4» բնագավառների համար **Խմբի կատարողները** կարող են լինել **Նախագծի** գիտական և գիտատեխնիկական բնագավառին առնչվող մասնագիտությամբ բակալավրիատի առնվազն առաջին կուրսի ուսանողներ, եթե դպրոցական առարկայական օլիմպիադայի հանրապետական փուլում 11-րդ կամ 12-րդ դասարաններում արժանացել են առնվազն երրորդ կարգի դիպլոմի:

## 7. Գործընկերը

**7.1.** Կարող է լինել այն անձը, ով`

- ունի գիտական աստիճան,
- **Նախագծին** առնչվող մասնագիտությամբ զբաղվում է գիտահետազոտական գործունեությամբ օտարերկրյա գիտական կազմակերպությունում:

**7.2. Գործընկերոջ** Հիրշի ինդեքսը (h-index)` ըստ «Scopus» (<https://www.scopus.com/freelookup/form/author.uri>) գիտատեղեկատվական շտեմարանի տվյալների, Հավելված 2.1-ում ներկայացված գիտական և գիտատեխնիկական

գործունեության «1-4» բնագավառների մասնագիտություններով իրականացվելիք **Նախագծերի** համար պետք է լինի առնվազն 10, իսկ «5-6» բնագավառների մասնագիտություններով իրականացվելիք **Նախագծերի** համար՝ առնվազն 3:

**7.3. Գործընկերը** չի հանդիսանում **Խմբի** անդամ, և նրա համար աշխատանքի վարձատրություն չի նախատեսվում:

**7.4. Գործընկերը Խմբի ղեկավարին** պետք է տրամադրի իր մասնագիտական ինքնակենսագրությունը (CV) և հաստատող նամակը (Confirmation Letter), որով հավաստում է, որ ծանոթ է **Նախագծի** բովանդակությանը, իր գործառույթների շրջանակին, նախատեսվող համատեղ միջոցառումներին (գիտափորձեր, քննարկումներ, սեմինարներ և այլն) և համաձայն է մասնակցել հետազոտական աշխատանքներին:

**7.5. Նախագծի** իրականացման ամբողջ ժամանակահատվածում (60-ամսյա կտրվածքով) **Գործընկերը** պետք է գումարային առնվազն 25 օր գտնվի Հայաստանի Հանրապետությունում և գումարային առնվազն 25 օր իր գիտական կազմակերպությունում ընդունի **Խմբի** անդամներին:

## **8. Կազմակերպությունը**

**8.1.** Պետք է լինի Հայաստանի Հանրապետության պետական բյուջեի գիտական և գիտատեխնիկական գործունեության բազային ֆինանսավորմամբ ծրագիր իրականացնող:

**8.2.** Հասանելիություն է ապահովում առկա ենթակառուցվածքներին և սարքավորումներին:

**8.3. Կազմակերպությունը Խմբի ղեկավարին** պետք է տրամադրի **Կազմակերպության** (բուհի ֆակուլտետի) գիտական (գիտատեխնիկական) խորհրդի եզրակացությունը (Board Conclusion), որտեղ նշվում է **Կազմակերպության** գիտական ուղղություններին **Նախագծի** համապատասխանությունը, կարևորությունը և արդիականությունը:

**8.4. Կազմակերպության** ղեկավարը **Խմբի ղեկավարին** է տրամադրում տեղեկանք, որ ծանոթ է **Մրցույթի** հրավերի պայմաններին և պատրաստ է **Նախագծի** հաջող ընթացքի պարագայում **Կազմակերպության** բազային ֆինանսավորմամբ ծրագրի ֆինանսական ռեսուրսներով ապահովել սույն հրավերի **8.8.** ենթակետով նախատեսված պայմանները:

**8.5.** Ֆինանսական նախահաշվով (այսուհետ՝ **Նախահաշիվ**) նախատեսվում է **Կազմակերպության** ղեկավարի իրավասությանը թողնված գումար, որով տնօրենը (ռեկտորը) ապահովում է **Կազմակերպության** (բուհի գիտական մասի) գործունեությունը և ստեղծում **Նախագծի** կատարման համար անհրաժեշտ պայմաններ:

**8.6. Նախագծի** իրականացման համար անհրաժեշտ սարքերը, նյութերը և ծառայությունները ձեռք են բերվում «Գնումների մասին» ՀՀ օրենքով սահմանված կարգով՝ պետության կարիքների համար կատարվող գնումների կանոններին համապատասխան:

**8.7.** Ձեռք բերված սարքերի ու սարքավորումների տնօրինման իրավունքը պատկանում է **Կազմակերպությանը**՝ հետագայում ևս կանոնադրական նպատակներով օգտագործման (գիտական և գիտահետազոտական աշխատանքների իրականացման) համար:

**8.8. Նախագծի** կատարման մինչև 36 ամիսը լրանալը՝ **Խմբի ղեկավարի Ստորաբաժանման՝ Հայտում** ընդգրկված աշխատակիցների գումարային

աշխատաժամանակի տևողությունը պետք է լինի առնվազն շաբաթական 200 ժամ (5 Full Time Equivalent. FTE):

## 9. Ակնկալվող արդյունքները

**9.1. Նախագծի** շրջանակներում իրականացված հետազոտության արդյունքները գիտական ամսագրերում հրապարակելիս անհրաժեշտ է նշել **Կոմիտեի** կողմից ստացած աջակցության մասին.

- *This work was supported by the Science Committee of RA (Research project № \_\_\_\_\_).*

**Ուշադրություն. Համապատասխան նշման բացակայության դեպքում հրապարակումը չի համարվի Նախագծի իրականացման արդյունք, հետևաբար՝ հաշվի չի առնվի հաշվետվության մեջ:**

**9.2. Նախագծի** կատարման 35 ամիսը լրանալուց հետո **Խումբը** պետք է ներկայացնի որպես հեղինակի աշխատավայր (affiliation) **Կազմակերպության** և սույն հրավերի **9.1.** ենթակետով սահմանված նշումներով.

**Հավելված 2.1-ով** ներկայացված գիտական և գիտատեխնիկական գործունեության «1-5» բնագավառների մասնագիտություններով.

- առնվազն 4 գիտական հրապարակում **ՄԳՇ**-ում, որից առնվազն երկուսը «Scimago Journal & Country Ranking (SJR)»-ում ամսագրերի դասակարգման առաջին կամ երկրորդ քառորդում (Q1 կամ Q2) ընդգրկված ամսագրերում (<https://www.scimagojr.com/journalrank.php>),

- կամ 1 **Մենագրություն:**

**Հավելված 2.1-ով** ներկայացված գիտական և գիտատեխնիկական գործունեության «6» բնագավառի մասնագիտություններով.

- առնվազն 2 գիտական հրապարակում **ՄԳՇ**-ում,

- կամ 1 **Մենագրություն:**

**9.3. Նախագծի** ավարտից հետո (60-ամսյա կտրվածքով) **Խումբը** պետք է ներկայացնի որպես հեղինակի աշխատավայր (affiliation) **Կազմակերպության** և սույն հրավերի **9.1.** ենթակետով սահմանված նշումով.

**Հավելված 2.1-ով** ներկայացված գիտական և գիտատեխնիկական գործունեության «1-5» բնագավառների մասնագիտություններով.

- առնվազն 10 գիտական հրապարակում **ՄԳՇ**-ում, որոնցից առնվազն երկուսը՝ Q1 և առնվազն երկուսը՝ Q2 քառորդներում ընդգրկված պարբերականներում,

- կամ 3 **Մենագրություն:**

**Հավելված 2.1-ով** ներկայացված գիտական և գիտատեխնիկական գործունեության «6» բնագավառի մասնագիտություններով.

- առնվազն 6 գիտական հրապարակում **ՄԳՇ**-ում, որոնցից առնվազն երկուսը՝ Q1 և առնվազն երկուսը՝ Q2 քառորդներում ընդգրկված պարբերականներում,



- կամ 2 **Մենագրություն:**

**9.4.** Որպես արդյունք ներկայացված գիտական հրապարակումներում, Հավելված 2.1-ով ներկայացված գիտական և գիտատեխնիկական գործունեության «1-5» բնագավառների մասնագիտություններով՝ առնվազն 5-ում, իսկ Հավելված 2.1-ով ներկայացված գիտական և գիտատեխնիկական գործունեության «6» բնագավառի մասնագիտություններով՝ առնվազն 3-ում, **Խմբի ղեկավարը** պետք է լինի կամ առաջին, կամ վերջին, կամ նամակագրություն վարող (corresponding author) հեղինակ, կամ ունենա որևէ համարժեք նշում, իսկ առնվազն 1 գիտական հրապարակում պետք է լինի **Գործընկերոջ** համահեղինակությամբ:

**9.5. Նախագծի** կատարման արդյունքում «1-5» բնագավառների մասնագիտություններով ակնկալվում է 25,000.0 հազար ՀՀ դրամը, իսկ «6» բնագավառի մասնագիտություններով 15,000.0 հազար ՀՀ դրամը գերազանցող միջազգային գիտական դրամաշնորհի առնվազն մեկ դիմում (submitted grant):

**9.6.** Սույն հրավերի **9.3.;** **9.4.;** **9.5.** ենթակետերով նախատեսված պայմանները չկատարելը/կատարելը կանդրադառնա հետագայում **Կոմիտեի** հայտարարած մրցույթներին ներկայացված հայտի փորձագիտական գնահատականի վրա՝ դրանից հանելով/գումարելով տվյալ մրցույթում հայտի առավելագույն գնահատականի 5 տոկոսի չափով միավոր՝ **Խմբի ղեկավարի** ընդգրկված լինելու դեպքում և 1 տոկոսի չափով միավոր՝ **Խմբի կատարողներից** յուրաքանչյուրի դեպքում: Հանրագումարում կհանվի/կգումարվի տվյալ մրցույթում հայտի առավելագույն գնահատականի ոչ ավելի, քան 5 տոկոսի չափով միավոր: Հետագա մրցույթներին ներկայացված հայտի փորձագիտական գնահատականի նվազեցումը կչեղարկվի **Նախագծի** ավարտից հետո սույն հրավերի **9.3.;** **9.4.;** **9.5.** ենթակետերով նախատեսված պայմանները բավարարելու մասին **Կոմիտե** ներկայացված տեղեկատվության հիման վրա:

**9.7. Նախագծի** իրականացման ընթացքում **Խումբը** պետք է ապահովի **Նախագծի** և/կամ գիտության տվյալ բնագավառի վերաբերյալ գիտահանրամատչելի նյութերի ստեղծում և տարածում (հարցազրույցներ, գիտահանրամատչելի ամսագրերում հրապարակումներ, տեսանյութերի ստեղծում և տարածում, լայն լսարանի համար քննարկումների կազմակերպում և այլն), որոնք հաշվի կառնվեն **Խորհրդի** կողմից ամփոփիչ հաշվետվությունն ընդունելու մասին եզրակացություն տալիս:

## II. ՀԱՅՏԻ ԼՐԱՑՄԱՆ ԵՎ ՆԵՐԿԱՅԱՑՄԱՆ ԿԱՐԳԸ

### 10. Հայտ և անհրաժեշտ փաստաթղթեր ներկայացնելը

**10.1. Հայտը** լրացնում և ներկայացնում է **Խմբի ղեկավարը՝ Կոմիտեի Համակարգի** միջոցով:

**10.2. Համակարգի** միջոցով **Հայտն** ուղարկելուց հետո **Կոմիտե** են ներկայացվում հետևյալ փաստաթղթերը.

- **Խմբի ղեկավարի** դիմումը (Հավելված N 2.3),

- **Համակարգում** ձևավորված և ծածկագիր ստացած **Հայտի** տիտղոսաթերթը և **Նախահաշիվը**.

- **Խմբի** անդամի ասպիրանտ կամ ուսանող հանդիսանալու մասին տեղեկանք, որտեղ նշված են մասնագիտությունը և ուսուցման տարին,
- Սույն հրավերի **6.3.** ենթակետով պահանջվող դիպլոմի պատճենը,
- **Կազմակերպության** կամ ֆակուլտետի գիտական (գիտատեխնիկական) խորհրդի եզրակացությունը, որը պետք է պարունակի տեղեկատվություն **Կազմակերպության** գիտական ուղղություններին **Նախագծի** համապատասխանության, կարևորության և արդիականության վերաբերյալ:
- **Կազմակերպության** ղեկավարի՝ սույն հրավերի **8.4.** ենթակետով սահմանված համաձայնության մասին գրությունը,

**10.3.** Անհրաժեշտության դեպքում կարող են պահանջվել այլ փաստաթղթեր:

**11. Նախահաշվի կազմությունը** Նախահաշիվը կազմված է «Աշխատանքի վարձատրություն» և «Այլ ծախսեր» հոդվածներից: «Այլ ծախսեր» հոդվածը բաղկացած է «Սարքեր, նյութեր և ծառայություններ», «Գործուղումներ», «Խմբի կամ լաբորատորիայի (բաժնի) ամրապնդում» և «Վերադիր ծախսեր» ենթահոդվածներից: **Նախահաշվի** «Աշխատանքի վարձատրություն» հոդվածում աշխատանքի ամսական վարձատրության (ներառյալ հարկերը և այլ պարտադիր վճարները) միջին հաշվարկային չափն ընդունել մինչև 300.0 հազար ՀՀ դրամ: Աշխատանքի վարձատրության գումարը վերոնշյալ չափից պակաս նախատեսելու դեպքում տարբերությունը կարող է օգտագործվել **Նախահաշվի** «Այլ ծախսեր» հոդվածում: **Նախահաշվի** «Այլ ծախսեր» հոդվածի «Սարքեր, նյութեր և ծառայություններ», «Գործուղումներ» և «Վերադիր ծախսեր» ենթահոդվածներով գումարային 12-ամսյա կտրվածքով կարելի է նախատեսել մինչև 1,000.0 հազար դրամ՝ **Խմբի** յուրաքանչյուր անդամի հաշվարկով: Այս գումարը կարող է ավելանալ սույն հրավերի **11.3.** ենթակետում նշված տարբերության չափով: **Նախահաշվի** «Այլ ծախսեր» հոդվածի «Սարքեր, նյութեր և ծառայություններ» ենթահոդվածով կարող են նախատեսվել գիտական սարքավորումների, հետազոտությունների ընթացքում օգտագործվող նյութերի ձեռք բերման և/կամ ծառայությունների ծախսեր: **Նախագծի** շրջանակներում ծառայությունների մատուցման պայմանագիր կարող է կնքվել միայն իրավաբանական անձի հետ: Գիտական սարքերի և սարքավորումների ձեռքբերումը չի կարող նախատեսվել **Նախագծի** իրականացման վերջին տարում: **Նախահաշվի** «Այլ ծախսեր» հոդվածի «Գործուղումներ» ենթահոդվածով նախատեսվող գումարը կարող է օգտագործվել **Նախագծի** ընթացքի ու արդյունքների ներկայացման նպատակով միջազգային գիտական միջոցառումներին մասնակցության համար, ինչպես նաև **Գործընկերոջ** և **Խմբի** փոխադարձ այցելությունների գործուղման ծախսերը հոգալու համար: Գործուղումների օրապահիկը և գիշերավարձը հաշվարկելիս անհրաժեշտ է առաջնորդվել Հայաստանի Հանրապետության կառավարության 2005 թվականի դեկտեմբերի 29-ի N 2335-Ն որոշմամբ: **Խմբի** յուրաքանչյուր անդամի 2 և ավելի ամիս (12-ամսյա կտրվածքով) բացակայության դեպքում պետք է գրավոր համաձայնեցնել **Կոմիտեի** հետ՝ բացակայելուց առնվազն մեկ շաբաթ առաջ: **Նախահաշվի** «Այլ ծախսեր» հոդվածի «Խմբի կամ լաբորատորիայի (բաժնի) ամրապնդում» ենթահոդվածով առաջին 12 ամսվա համար կարող է նախատեսվել մինչև 15,000.0 հազար ՀՀ դրամ, որը կարող է օգտագործվել խմբի կամ լաբորատորիայի ենթակառուցվածքի բարելավման ուղղությամբ և **Նախագծի** կատարման համար

անհրաժեշտ այլ ծախսերի համար: **Նախահաշվի** «Այլ ծախսեր» հոդվածի «Վերադիր ծախսեր» ենթահոդվածով (60 ամսվա համար) կարող է հայցվել մինչև 2,500.0 հազար դրամ: **Նախահաշվի** բոլոր ենթահոդվածների ծախսերը պետք է հիմնավորել **Նախահաշվի** մեկնաբանության մեջ: **Նախահաշվի** հիմնավորվածությունը և բաշխումը կարող են լրամշակվել **Խորհրդի** առաջարկությամբ և **Խմբի ղեկավարի** համաձայնությամբ: **Ուշադրություն. Կոմիտեն ընդունում է միայն Համակարգի կողմից ձևավորված և ծածկագիր ստացած հայտերը: Այն հայտերը, որոնք չեն ուղարկվել վերը նշված կարգով և ժամկետներում, փորձաքննության ենթակա չեն: Հայտերի քննարկումը**

**12.1. Կոմիտեն** ստուգում է

- **Հայտերի** համապատասխանությունը **Մրցույթի** հրավերի պայմաններին,
- Բեալի ցանկերում (*Beall's list, <https://beallslist.net/>*) ներառված կեղծ կամ «գիշատիչ» հրատարակչություններում կամ պարբերականներում հրատարակված աշխատությունների առկայությունը **Հայտում**:

**12.2. Հայտը** չի քննարկվում, եթե՝

- չի պարունակում բոլոր անհրաժեշտ փաստաթղթերը,
- չի բավարարում **Մրցույթի** հրավերի պայմաններին,
- բովանդակությամբ համընկնում է Հայաստանի Հանրապետության պետական բյուջեից ֆինանսավորվող կամ ֆինանսավորված որևէ այլ թեմայի/ծրագրի հետ,
- միաժամանակ ներկայացված է **Կոմիտեի** կողմից անցկացվող այլ մրցույթներին:

**12.3.** Ստուգման արդյունքները տրամադրվում են **Խորհրդին**:

**12.4. Խորհուրդը** քննարկում և հաստատում է գիտական փորձաքննության ենթակա **Հայտերի** ցանկը:

### **13. Փորձաքննությունը**

**13.1. Խորհուրդը Կոմիտեի** հետ համատեղ մշակում ու հաստատում է **Հայտերի** գիտական փորձաքննության, հարցազրույցի գնահատման թերթիկները և վարման կարգը:

**13.2. Կոմիտեի** և փորձագետների կողմից **Հայտի** բովանդակության, փորձաքննության ընթացքի և արդյունքի վերաբերյալ տեղեկությունների տրամադրումն այլ անձանց արգելվում է՝ համաձայն «Գիտական և գիտատեխնիկական փորձաքննության մասին» Հայաստանի Հանրապետության օրենքով սահմանված դրույթների:

### **14. Փորձաքննության առաջին փուլը**

**14.1.** Փորձաքննության առաջին փուլում **Խորհուրդը**, հաշվի առնելով **Նախագծի** ընդարձակ ամփոփագիրը (Հավելված 2.4), **Խմբի ղեկավարի** գիտական հետազիծը (track record), մասնագիտական ինքնակենսագրությունը (CV), **Կազմակերպության և Գործընկերոջ** համապատասխանությունը **Նախագծի** նպատակներին, կոնսենսուսի սկզբունքով ձևավորում է առաջին փուլը հաղթահարած **Հայտերի** ցանկը, որոնք անցնում են փորձաքննության հաջորդ փուլ:

**14.2.** Փորձաքննության առաջին փուլը չհաղթահարած **Հայտերի Խմբի ղեկավարները** տեղեկացվում են այդ մասին:

## 15. Փորձաքննության երկրորդ փուլը

15.1. Փորձաքննության առաջին փուլը հաղթահարած **Հայտերը** ենթարկվում են գիտական փորձաքննության, իսկ **Խմբի ղեկավարների** հետ անցկացվում են հարցազրույցներ: Այս փուլում գնահատվում են **Նախագծի** արդի վիճակը, նորույթը, բեկումնային բնույթը, **Կազմակերպությունում Նախագծի** իրականացման նախադրյալները, ազդեցությունը ոլորտի զարգացման վրա, աշխատանքի ծավալի, իրականացման ժամկետների հիմնավորվածությունը, համագործակցության նպատակահարմարությունը, գիտական արդյունքների տնօրինումը և տարածումը, **Նախահաշվի** հիմնավորվածությունը, միջազգային համագործակցության աստիճանը, **Խմբի** և **Գործընկերոջ** մասնագիտական համապատասխանությունը **Նախագծին** և որակավորումը, ինչպես նաև **Մրցույթի** առանձնահատկություններից բխող այլ հարցեր:

15.2. **Հայտը** գիտական փորձաքննության է ենթարկվում առնվազն երկու փորձագետի կողմից: Որպես փորձագետ կարող է հանդես գալ նաև **Խորհրդի** անդամը:

15.3. Յուրաքանչյուր **Հայտի** համար փորձագետը լրացնում է գիտական փորձաքննության գնահատման թերթիկը:

15.4. Փորձագետի առավելագույն գնահատականը կազմում է **Հայտի** առավելագույն գնահատականի 50 տոկոսը:

15.5. Երկու փորձագետների գնահատականները գիտական փորձաքննության առավելագույն գնահատականի 30 և ավելի տոկոսով տարբերվելու դեպքում **Հայտը** ենթարկվում է փորձաքննության երրորդ փորձագետի կողմից: Այդ դեպքում գիտական փորձաքննության գնահատականը երեք փորձագետների՝ երկու իրար մոտ գնահատականների միջին թվաբանականն է: Երեք փորձագետների գնահատականների հավասար տարբերությունների դեպքում գիտական փորձաքննության գնահատականը երկու առավելագույն գնահատականների միջին թվաբանականն է:

## 16. Հարցազրույցը

16.1. **Խորհուրդը Խմբի ղեկավարի** հետ անցկացնում է հարցազրույց:

16.2. Յուրաքանչյուր **Հայտի** համար **Խորհրդի** անդամը լրացնում է հարցազրույցի գնահատման թերթիկը:

16.3. Հարցազրույցի առավելագույն գնահատականը կազմում է **Հայտի** առավելագույն գնահատականի 50 տոկոսը:

## 17. Գնահատման արդյունքները

17.1. Փորձաքննության վերջնական գնահատականը երկու փորձագետների գիտական փորձաքննության գնահատականների միջին թվաբանականի և հարցազրույցի գնահատականների միջին թվաբանականի գումարն է:

17.2. **Կոմիտեն** փորձաքննության արդյունքներով ձևավորում է **Հայտերի** վարկանիշային ցանկ՝ գնահատականների նվազման կարգով և ներկայացնում **Խորհրդին**՝ քննարկման:

17.3. **Խորհուրդը Կոմիտեի** նախագահին է ներկայացնում **Հայտերի** գնահատականների վարկանիշային ցանկը:

**17.4. Կոմիտեն**, ելնելով Հայաստանի Հանրապետության պետական բյուջեի գիտական և գիտատեխնիկական գործունեության պայմանագրային (թեմատիկ) ֆինանսավորման համար նախատեսված հատկացումների չափից, որոշում է շեմային գնահատականը և ֆինանսավորման երաշխավորված թեմաների ցանկը, ղեկավարների ցուցակը և նախատեսվող ֆինանսավորման չափը ներկայացնում **Նախարարի** հաստատմանը:

**17.5. Նախարարի** հրամանով հաստատվում է ֆինանսավորման երաշխավորված թեմաների ցանկը, ղեկավարների ցուցակը և նախատեսվող ֆինանսավորման չափը:

**17.6. Մրցույթի** արդյունքում ֆինանսավորման երաշխավորված թեմաների ցանկը հրապարակվում է **Կոմիտեի** պաշտոնական կայքում:

**17.7. Կոմիտեն Կազմակերպության** ղեկավարին տրամադրում է տվյալ **Կազմակերպության** շահառու թեմաների ցանկը:

**17.8. Կոմիտեն Համակարգի միջոցով Խմբի ղեկավարներին** տրամադրում է փորձաքննության արդյունքները և անցողիկ շեմային գնահատականը:

#### IV. Այլ դրույթներ

##### 18. Պայմանագրերի կնքումը

**18.1. Կոմիտեի, Կազմակերպության և Խմբի ղեկավարի** միջև կնքվում է գիտական և գիտատեխնիկական գործունեության պայմանագրային թեմաների իրականացման համար պետության կողմից դրամաշնորհի ձևով տրամադրվող ֆինանսական աջակցության գումարների օգտագործման մասին պայմանագիր (այսուհետ՝ **Պայմանագիր**):

**18.2. Խմբի ղեկավարի և Խմբի կատարողների** աշխատանքների ամսական վարձատրությունն ապահովելու համար Կազմակերպությունը կնքում է պայմանագրեր՝ ՀՀ «Քաղաքացիական օրենսգրքով» սահմանված կարգով, որոնց պատճենները ներկայացվում են **Կոմիտե**:

##### 19. Հաշվետվությունը

**19.1. Նախագծի** իրականացման ընթացքում, յուրաքանչյուր 12 ամիսը լրանալուց հետո, 10-օրյա ժամկետում **Կոմիտե** է ներկայացվում ընթացիկ հաշվետվություն, որի հիման վրա **Խորհուրդը** տալիս է եզրակացություն՝ **Նախագծի** ֆինանսավորումը շարունակելու նպատակահարմարության մասին:

**19.2. Նախագծի** իրականացման 35 ամիսը լրանալուց հետո 20-օրյա ժամկետում **Կոմիտե** է ներկայացվում եռամյա հաշվետվություն՝ ներառելով **Նախագծի** ակնկալվող միջանկյալ արդյունքները, որոնց հիման վրա **Խորհուրդը** տալիս է եզրակացություն՝ **Նախագծի** ֆինանսավորումը դադարեցնելու կամ ևս 24 ամիս շարունակելու նպատակահարմարության մասին:

**19.3. Նախագծի** իրականացման ընթացքում **Կոմիտեն** կարող է իրականացնել **Նախագծի** մշտադիտարկում և արդյունքները ներկայացնել Խորհրդին:

**19.4. Նախագծի** ֆինանսավորումը շարունակելու նպատակահարմարության մասին եզրակացություն տալիս՝ **Խորհուրդը** պետք է հաշվի առնի նաև մշտադիտարկման արդյունքները:

**19.5. Նախագծի** իրականացման 60-րդ ամիսը լրանալուց հետո 20-օրյա ժամկետում **Կոմիտե** է ներկայացվում ամփոփիչ հաշվետվություն, որի հիման վրա **Խորհուրդը** տալիս է եզրակացություն՝ հաշվետվությունն ընդունելու մասին:

**19.6. Կոմիտեն** կարող է ֆինանսավորման երաշխավորված **Նախագծերի** անոտացիան և հաշվետվությունը հրապարակել տպագիր կամ էլեկտրոնային եղանակով:

## **20. Լրացուցիչ տեղեկություններ**

**20.1. Խմբի ղեկավարը Նախահաշվի** «Այլ ծախսեր» հոդվածում կարող է կատարել ենթահոդվածներով նախատեսված ծախսերի վերաբաշխում՝ ներկայացնելով համապատասխան հիմնավորում և ստանալով **Կոմիտեի** գրավոր համաձայնությունը:

**20.2. Խմբի ղեկավարի** կողմից իր պարտականությունների կատարման անհնարինության դեպքում՝ **Կազմակերպության** ղեկավարի միջնորդությամբ, **Կազմակերպության** գիտական (գիտատեխնիկական) խորհրդի և **Խմբի** անդամների համաձայնությամբ, **Կոմիտեի** գրավոր թույլտվությամբ կարելի է կատարել **Խմբի ղեկավարի** փոփոխություն:

**20.3. Խմբի կատարողի** կամ **Գործընկերոջ** կողմից իր պարտականությունների կատարման անհնարինության դեպքում **Խմբի ղեկավարը** կարող է դիմել **Կոմիտե**՝ համարժեք փոփոխություն կատարելու կամ **Խմբի** անդամների թիվը մեկով կրճատելու միջնորդությամբ, ներկայացնելով համապատասխան հիմնավորում: **Խմբի** անդամների թիվը կրճատելու դեպքում **Կոմիտեի** հետ կնքվում է **Պայմանագրի** գնի փոփոխության մասին համաձայնագիր:

**20.4. Խմբում** կատարողի փոփոխություն կատարելու դեպքում **Խմբի ղեկավարը Կոմիտե** է ներկայացնում նոր կատարողի հետ դրամաշնորհի շրջանակներում կնքված պայմանագրի պատճենը:

**20.5. Նախագծի** իրականացման ընթացքում (ոչ շուտ, քան 12 ամիս անց) **Խմբի ղեկավարը** կարող է դիմել **Կոմիտե**՝ կատարողների թիվը **Նախագծին** առնչվող մասնագիտություն ունեցող մինչև 35 տարեկան երկու կատարողներով ավելացնելու առաջարկով՝ ներկայացնելով համապատասխան հիմնավորում:

**20.6.** Սույն հրավերի **20.5.** ենթակետով ներգրավված կատարողներից առնվազն մեկը չպետք է լինի Հայաստանի Հանրապետության պետական բյուջեի գիտական և գիտատեխնիկական գործունեության բազային ֆինանսավորմամբ ծրագիր իրականացնող որևէ կազմակերպության աշխատակից:

**20.7.** Կատարողների թիվն ավելանալու պարագայում **Խմբի ղեկավարի, Կազմակերպության** և **Կոմիտեի** միջև կնքված **Պայմանագրի** գինն ավելանում է յուրաքանչյուր նոր կատարողի համար մինչև 1,800.0 հազար դրամով (12-ամսյա կտրվածքով):

**20.8.** Մտավոր սեփականության հեղինակային կամ արտոնագրային իրավունքի օբյեկտ հանդիսացող նյութեր պարունակող **Նախագիծ** և այնուհետև հաշվետվություն ներկայացնելու դեպքում **Խմբի ղեկավարը** պետք է առաջնորդվի «Հեղինակային իրավունքի և հարակից իրավունքների մասին» և «Գյուտերի, օգտակար մոդելների և արդյունաբերական նմուշների մասին» Հայաստանի Հանրապետության օրենքներով սահմանված դրույթներով:

## 21. Նախագծի ֆինանսավորման դադարեցումը

Կոմիտեն կարող է դադարեցնել **Նախագծի** ֆինանսավորումը, եթե.

- ընթացիկ հաշվետվություն սահմանված ժամկետում չի ներկայացվել կամ հաշվետվության վերաբերյալ Խորհրդի կողմից տրվել է բացասական եզրակացություն,

- **Նախահաշվի** «Այլ ծախսեր» հոդվածում կատարվել է վերաբաշխում առանց **Կոմիտեի** գրավոր համաձայնության,

- **Խմբի** կազմում կատարվել է փոփոխություն առանց **Կոմիտեի** գրավոր համաձայնության,

- սույն հրավերի **8.8.** ենթակետում նշված պայմանը չի կատարվել, ընդ որում՝ այն կանդրադառնա **Կազմակերպությունից Կոմիտե** ներկայացված հայտերի վրա՝ հետագա ծրագրի համար ստեղծված համապատասխան Խորհրդի եզրակացությամբ որոշված չափով:

## ԳԻՏԱԿԱՆ ԵՎ ԳԻՏԱՏԵՆՆԻԿԱԿԱՆ ԳՈՐԾՈՒՆԵՈՒԹՅԱՆ ԲՆԱԳԱՎԱՌՆԵՐԸ ԵՎ ՄԱՍՆԱԳԻՏՈՒԹՅՈՒՆՆԵՐԸ՝ ՀԱՄԱՊԱՏԱՍԽԱՆ ԴԱՍԻՉՆԵՐՈՎ

### 1. ԲՆԱԿԱՆ ԳԻՏՈՒԹՅՈՒՆՆԵՐ

- 1.1. Մաթեմատիկա
- 1.2. Ինֆորմատիկա և համակարգչային գիտություններ
- 1.3. Ֆիզիկա և աստղագիտություն
- 1.4. Քիմիա
- 1.5. Երկրի մասին և դրան հարակից բնապահպանակ գիտություններ
- 1.6. Կենսաբանական գիտություններ

### 2. ՃԱՐՏԱՐԱԳԻՏՈՒԹՅՈՒՆ ԵՎ ՏԵՆՆՈՒՄ

- 2.1. Քաղաքաշինություն և ճարտարապետություն
- 2.2. Էլեկտրատեխնիկա, էլեկտրոնիկա, էներգետիկա, համակարգչային և տեղեկատվական տեխնոլոգիաներ
- 2.3. Մեխանիկա
- 2.4. Մեքենագիտություն և մեքենաշինություն
- 2.5. Քիմիական տեխնոլոգիաներ
- 2.6. Նյութագիտություն
- 2.7. Բժշկական սարքաշինություն
- 2.8. Էկոլոգիա
- 2.9. Կենսատեխնոլոգիա
- 2.10. Նանոտեխնոլոգիա

### 3. ԲԺՇԿԱԿԱՆ ԳԻՏՈՒԹՅՈՒՆՆԵՐ

- 3.1. Ընդհանուր բժշկություն
- 3.2. Կլինիկական բժշկություն
- 3.3. Բժշկական կենսատեխնոլոգիա

### 4. ԳՅՈՒՂԱՏՆՏԵՍԱԿԱՆ ԳԻՏՈՒԹՅՈՒՆՆԵՐ

- 4.1. Անասնաբուծություն, անասնաբուժություն
- 4.2. Բուսաբուծություն
- 4.3. Հողագիտություն, ագրոքիմիա, բույսերի պաշտպանություն
- 4.4. Գյուղատնտեսական կենսատեխնոլոգիա

### 5. ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐ

- 5.1. Հոգեբանություն
- 5.2. Տնտեսագիտություն և գործարարություն
- 5.3. Մանկավարժական գիտություններ
- 5.4. Սոցիոլոգիա
- 5.5. Իրավունք
- 5.6. Քաղաքական գիտություններ
- 5.7. Սոցիալական և տնտեսական աշխարհագրություն
- 5.8. Զանգվածային լրատվություն և հաղորդակցություն

### 6. ՀԱՅԱԳԻՏՈՒԹՅՈՒՆ ԵՎ ՀՈՒՄԱՆԻՏԱՐ ԳԻՏՈՒԹՅՈՒՆՆԵՐ

- 6.1. Պատմություն, հնագիտություն
- 6.2. Լեզվագիտություն, գրականագիտություն
- 6.3. Փիլիսոփայություն, էթիկա
- 6.4. Աստվածաբանություն, կրոնագիտություն
- 6.5. Արվեստագիտություն



## ՆԱԽԱԳԻԾ

Ներկայացնել անգլերեն, մինչև 12 էջ՝ ներառյալ գրաֆիկները, գծագրերը, լուսանկարները և գրականության ցանկը.

1. Համառոտ բնութագիրը (անոտացիա)

2. Հետազոտական խնդրի վերաբերյալ գիտելիքների ներկա վիճակի մասին վերլուծությունը

3. Ծրագրի նպատակները և խնդիրները

4. Հետազոտական նախագիծը

5. Առկա նյութատեխնիկական ռեսուրսները: Գիտական մեթոդները

6. Օրացուցային պլանը (ըստ եռամսյակների կամ Գանտի աղյուսակ)

7. Խմբի ձեռքբերումները տվյալ ոլորտում, օտարերկրյա գործընկերոջ համապատասխանությունը

8. Խմբի զարգացման հեռանկարները (ռիսկերը և հնարավորությունները)

9. Ակնկալվող արդյունքների քանակական և որակական ցուցանիշները (գիտական հոդվածներ, գիտաժողովների նյութեր և այլն), նորարարական կարողության օգտագործում (տեխնոլոգիական ներդրում, ցուցադրում, փորձնական նմուշ, նախատիպ և այլն), մտավոր սեփականության տնօրինում (արտոնագիր, հեղինակային իրավունք և այլն), միջազգային համագործակցային կապերի ամրապնդում, համագործակցության հեռանկարները

10. Օգտագործված գրականության ցանկը

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳԻՏՈՒԹՅԱՆ ԿՈՄԻՏԵԻ ՆԱԽԱԳԱՀ  
ՊԱՐՈՆ ՍԱՐԳԻՍ ՀԱՅՈՑՅԱՆԻՆ

ՔԱՂԱՔԱՑԻ \_\_\_\_\_

(անուն հայրանուն)

\_\_\_\_\_ ից

(ազգանուն)

\_\_\_\_\_

(հասցե)

\_\_\_\_\_

(հեռախոս)

ԴԻՄՈՒՄ

Խնդրում եմ ընդունել գիտական և գիտատեխնիկական գործունեության պայմանագրային (թեմատիկ) ֆինանսավորման շրջանակներում «Գիտական խմբերի կամ լաբորատորիաների (բաժինների) ամրապնդմանն աջակցություն - 2023» մրցույթի մասնակցության «\_\_\_\_\_» ծածկագրով հայտը:

Դիմող՝ \_\_\_\_\_

(ստորագրություն)

(\_\_\_\_\_)

(անուն, ազգանուն)

«\_\_\_\_\_» \_\_\_\_\_ 2023 թ.

## Նախագծի վերնագիրը

## Ընդարձակ ամփոփագիրը

Ընդարձակ ամփոփագիրը գնահատվում է փորձաքննության առաջին փուլում, հարկավոր է ներկայացնել հայերեն և անգլերեն, մինչև 2 էջ:

Ընդարձակ ամփոփագիրը պետք է լինի **Նախագծի** հակիրճ տարբերակը և շեշտադրի հետազոտության կարևորությունն ու նպատակահարմարությունը: